

Emile Ripert

Uno recepcioun à l'Acadèmi de Marsiho

Eloge de Frédéric Mistral

1^{er} Février 1920

Lou dimenche, lé de febríé 1920, à dos ouro e miejo, dins lou grand anfiteatre de la Faculta de Sciènci, à Marsiho, l'Acadèmi, tenguè 'no sesiho soulenno que nous fai grand gau de signala dins aqueste buletin.

La salo èro cacaluchado de bèu mounde e lis academician s'èron rendu au coumplet à la rampelado de soun burèu: noste ami, l'ancien capoulié Valèri Bernard, ancien direitour de l'Acadèmi, èro asseta à la drecho de Segne Fournier, lou direitour de l'ouro d'aro. Au proumié rèng dis assistant, i'avié dono Mario Frederi Mistral e sa fidèlo servicialo, Mario dóu pouèto: darrié d'éli, de noumbrous felibre emé li majourau Dr J. Fallen, capoulié dóu Felibrige, Marius Jouveau, baile dóu Felibrige, Pau Ruat etc...

Li Cigaloun Tambourinaire durbiguèron la sesiho de si gai richiéu-chiéu.

L'egrègi proufessour, M. Emile Ripert, nouma academician au sèti de Frederi Mistral anavo prounouncia soun discours de recepcioun sus l'obro dóu Mèstre.

Aquéu superbe discours, coume es esta di, siguè 'n veritable pouèmo: lou 27 de mars, sus lou toumbèu dóu Mèstre, en óumàgi pïous, M. Danis Poullinet n'en a, coume eiçò, reproudu li passage capitau.